



Llywodraeth Cymru  
Welsh Government

CYHOEDDIAD

# Arolwg o'r effeithiau ar y diwydiant digwyddiadau a busnesau yn y gadwyn gyflenwi COVID-19: 12 Tachwedd i 8 Rhagfyr 2020

Er mwyn deall yr effaith y mae pandemig COVID-19 wedi'i chael ar y diwydiant digwyddiadau cynhaliwyd arolwg rhwng 12 Tachwedd ac 8 Rhagfyr 2020, gyda busnesau yng Nghymru sy'n gweithio yn y diwydiant digwyddiadau.

Cyhoeddwyd gyntaf: 9 Chwefror 2021

Diweddarwyd ddiwethaf: 9 Chwefror 2021

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/arolwg-or-effeithiau-ar-y-diwydiant-digwyddiadau-busnesau-yn-y-gadwyn-gyflenwi-covid-19-12-tachwedd> i weld y fersiwn ddiweddaraf.

Gwybdaeth am [hawlfraint](#).

# Cynnwys

## Dull ac amseriad yr arolwg

---

## Effaith sylweddol ar staff

---

## Mae rhai wedi colli swm sylweddol o refeniw

---

## Rhagolwg cyfredol ac yn y dyfodol

---

## Rhagolwg ar gyfer goroesi

---

## Manylion cyswllt

---

## Dull ac amseriad yr arolwg

Comisiynwyd Strategic Research and Insight (SRI) gan Croeso Cymru i gasglu adborth ar yr effaith y mae'r pandemig COVID-19 yn ei chael ar y diwydiant digwyddiadau yng Nghymru. Cynhaliodd SRI arolwg ar-lein gyda busnesau yng Nghymru sy'n gweithio yn y diwydiant digwyddiadau a'r gadwyn gyflenwi ehangach ar gyfer digwyddiadau, a gynhaliwyd rhwng 12 Tachwedd a 8 Rhagfyr 2020. Derbyniwyd 174 o ymatebion gan amrywiaeth o fusnesau. Fodd bynnag, daeth y rhan fwyaf o ymatebion gan drefnwyr/cynllunwyr digwyddiadau, y rhai sy'n gweithio ym maes clyweledol/technolegol digwyddiadau, trefnwyr/cynorthwywyr digwyddiadau llawrydd, a lleoliadau.

Ar adeg cynnal yr arolwg, roedd cyfnod atal byr Cymru o 17 diwrnod, a ddechreuodd ar 23 Hydref 2020 ac a ddaeth i ben ar 9 Tachwedd 2020, newydd ddod i ben ac roedd caniatâd i rai busnesau nad oeddent yn hanfodol ailagor. Fodd bynnag, nid oedd modd cynnal digwyddiadau o hyd, heblaw am ychydig o eithriadau, gan gynnwys seremonïau priodas.

**Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.**

Ewch i <https://llyw.cymru/arolwg-or-efeithiau-ar-y-diwydiant-digwyddiadau-busnesau-yn-y-gadwyn-gyflenwi-covid-19-12-tachwedd> i weld y fersiwn ddiweddaraf.

Gwybdaeth am [hawlfraint](#).

Dylai canlyniadau'r arolwg hwn gael eu trin yn ddangosol o brofiadau'r rhai sydd wedi cwblhau'r arolwg, ac nid ydynt o reidrwydd yn gynrychiadol o'r diwydiant digwyddiadau yng Nghymru. Gan mai arolwg ar-lein oedd hwn, roedd y sampl yn hunanddewisol, felly nid yw ar hap nac wedi'i phwysoli. Felly, nid yw'r arolwg yn arolwg cynrychiadol o fusnesau ym maes digwyddiadau ledled Cymru. Serch hynny, mae'r canlyniadau'n darparu mewnwelediad i'r anawsterau y mae busnesau yn y sector yn eu hwynebu.

## Effaith sylweddol ar staff

Mae 75% o'r busnesau a ymatebodd i'r arolwg, ac sy'n cyflogi staff, wedi gorfod rhoi staff ar ffyrlo. Mae tua hanner (52%) o'r rhai sy'n cyflogi staff wedi gwneud diswyddiadau, wedi rhoi rhybudd am ddiswyddiadau neu'n bwriadu gwneud diswyddiadau, neu'n rhagweld gorfod gwneud diswyddiadau. Nid yw 58% wedi cyflogi unrhyw weithwyr dros dro neu maent wedi cyflogi llai na'r arfer.

## Mae rhai wedi colli swm sylweddol o refeniw

Mae'r golled ganolrifol o'r argyfwng fesul busnes sy'n ymateb i'r arolwg rhwng £50,001 a £100,000. Mae'r golled ganolrifol fesul busnes yn gwahaniaethu yn ôl maint y busnes. Mae'r golled ganolrifol i'r rhai sy'n cyflogi rhwng un a phum aelod o staff o fewn yr amrediad o £100,000 i £250,000, ond mae'r golled ganolrifol i'r rhai sy'n cyflogi mwy na 50 aelod o staff yn fwy na £1,000,000.<sup>[1]</sup>

Mae oddeutu hanner (48%) o'r rhai sydd wedi colli refeniw wedi colli dros 80% o'u refeniw blynyddol.

**[1]** Mae maint sampl bach wrth adrodd canlyniadau yn ôl maint y busnes, ac, felly, mae angen cymhwyso elfen o rybudd wrth ddehongli'r canfyddiadau hyn.

## Rhagolwg cyfredol ac yn y dyfodol

Dim ond 9% o'r rhai sydd wedi rhoi cynnig ar ddigwyddiadau rhithwir neu hybrid wedi elwa arnynt. Dywed 47% y gwnaethant adennill costau wrth gynnal y

Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.

Ewch i <https://llyw.cymru/arolwg-or-efeithiau-ar-y-diwydiant-digwyddiadau-busnesau-yn-y-gadwyn-gyflenwi-covid-19-12-tachwedd> i weld y fersiwn ddiweddaraf.

Gwybdaeth am [hawlfraint](#).

mathau hyn o ddigwyddiad, a gwnaeth 44% golli arian.

Mae ychydig yn hyderus y cynhelir nifer o ddigwyddiadau wyneb yn wyneb yn 2021. Mae 57% yn rhagweld y bydd llai o ddigwyddiadau yn 2021 o'i gymharu â'r arfer, tra teimla 20% y bydd yr un nifer o ddigwyddiadau yn 2021 ag sy'n arferol, ac mae 15% yn teimlo y bydd mwy.

Mae ofn y bydd gweithwyr medrus yn gadael y diwydiant a byth yn dychwelyd. Pan all digwyddiadau ailddechrau, byddai busnesau'n gwerthfawrogi cynllun clir gan Lywodraeth Cymru er mwyn iddynt allu paratoi yn dda ymlaen llaw.

## Rhagolwg ar gyfer goroesi

Dim ond 13% o fusnesau sy'n gallu dweud gyda rhyw fath o sicrwydd yr ydynt yn disgwyl goroesi am fwy na chwe mis. Mae 38% yn teimlo na fyddant yn goroesi am fwy na chwe mis, dywed 40% fod hyn yn dibynnu ar ffactorau penodol, a dywed 10% nad ydynt yn gwybod pa mor hir y byddant yn goroesi.

Ymhlith y busnesau sy'n disgwyl goroesi yn llai na chwe mis, y gwerth mwyaf cyffredin o gyllid ychwanegol sydd ei angen er mwyn goroesi yw yn yr amrediad o £10,001 i £25,000. Er hynny, mae angen dros £100,000 ar chwarter o'r busnesau er mwyn goroesi.

Dywed 42% o fusnesau y gallant godi rhai o'r cyllid ychwanegol sydd ei angen eu hunain. Fodd bynnag, dywed oddeutu hanner (53%) y rhain mai dim ond rhwng 1% a 24% o'r cyllid ychwanegol sydd ei angen er mwyn goroesi y gallant ei godi.

## Manylion cyswllt

Jen Velu

Ffôn: 0300 0250 459

E-bost: [ymchwiltwristiaeth@llyw.cymru](mailto:ymchwiltwristiaeth@llyw.cymru)

Rhif Ymchwil Gymdeithasol: 8/2021

**Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.**

Ewch i <https://llyw.cymru/arolwg-or-effeithiau-ar-y-diwydiant-digwyddiadau-busnesau-yn-y-gadwyn-gyflenwi-covid-19-12-tachwedd> i weld y fersiwn ddiweddaraf.

Gwybdaeth am [hawlfraint](#).



ISBN 978-1-80082-801-8

**Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.**

Ewch i <https://llyw.cymru/arolwg-or-efeithiau-ar-y-diwydiant-digwyddiadau-busnesau-yn-y-gadwyn-gyflenwi-covid-19-12-tachwedd> i weld y fersiwn ddiweddaraf.

Gwybdaeth am [hawlfraint](#).

## Ynghylch y ddogfen hon

Mae'r ddogfen hon yn gopi o'r dudalen we [Arolwg o'r effeithiau ar y diwydiant digwyddiadau a busnesau yn y gadwyn gyflenwi COVID-19: 12 Tachwedd i 8 Rhagfyr 2020](#) a lawrlwythwyd.

Ewch i <https://llyw.cymru/arolwg-or-effeithiau-ar-y-diwydiant-digwyddiadau-busnesau-yn-y-gadwyn-gyflenwi-covid-19-12-tachwedd> i weld y fersiwn ddiweddaraf.

Efallai na fydd y ddogfen hon yn hollol hygyrch; darllenwch ein [datganiad hygyrchedd](#) i gael rhagor o wybodaeth.

Gwybdaeth am [hawlfraint](#).

**Cafodd y ddogfen hon ei lawrlwytho o LLYW.CYMRU, efallai nad dyma'r fersiwn mwyaf diweddar.**

Ewch i <https://llyw.cymru/arolwg-or-efeithiau-ar-y-diwydiant-digwyddiadau-busnesau-yn-y-gadwyn-gyflenwi-covid-19-12-tachwedd> i weld y fersiwn ddiweddaraf.

Gwybdaeth am [hawlfraint](#).